



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda, in Scholis Medicorum, die Mercurii vigesima-
quarta mensis Martii, anno Domini M. DCC. LI.*

M. JOSEPHO-MARIA-FRANCISCO DE LA SONE,
Regiæ Scientiarum Academiæ Socio, Doctore
Medico, Præside.

An Tabacum lentum sit homini venenum?

I.



ILETE tandem Jactatores tabaci; nec jam tantis excipite
plausibus hanc pestem Americanam. Quid tantum iuvat sty-
gium hunc pulverem totis haurire naribus? Noscite taba-
cum, malum noscite & dedecus vestrum. Herba fuit diù fo-
lis maleficis nota, cujus vaporibus lymphati credulas Barba-
rorum mentes fatuis deludebant vaticiniis; (a) & hæc erat apud
Indos Buhitorum ars magica. Paulò post evasit usus crebrior, & in auxi-

(a) Vid. Nicol.
Monard. in
simpl. med.
histor.

A

co) vid. Mi-
focapnum Ia-
cob. fext. ang.
Britann. Reg.

lium vocatus ab innumeris luis veneræ victimis, (a) quæ ad medullam usque ossium dilaniatæ dulci hâc gaudebant ebrietate, quæ veluti incantamento per tempus dolores sopiebantur, sæviore mox exfuscitandi: & hæc usûs tabaci prima fons & origo; dein placuit aded, ut mensarum inter delicias vocatum, ultimum dissolutionis condimentum Indis venerit. Orbem nostrum latuit fanaticus ille ritus usquè dum primi intulerint, victores Americæ, Hispani, qui semen plantæ ab indigenis *Picielt* dictæ in patriam asportarunt ab Insulâ Tabacco, undè ipsi tabacum dixerunt: sic facta Hispania tabaci seminium, ex quo brevi per totam terram disseminatum est; nec celeriter minùs increbuit ubiquè usus. Periculum fecere primi aliquot Nautæ Hispanici, qui Indorum more tentarunt fumigationem; & hæc ansa fuit cæteris idem tentandi. Jam probatur ab Hispanis mos iste barbarus, huic favent Angli, applaudunt cæteri maris incolæ. Nautas tantus urit amor tabaci, ut suus nulli tubulus deficiat. Mox invidet miles castrensis; hinc ad invicem fumant castrique navisque. Sed quid tum? Incredibile dictu: varii orbis populi, imò populorum primates sicut & plebei, pauperes & dites, senes & juvenes omnes tandem, exceptis tum scæminis, ad ritum componuntur, & ut ait Seneca, pecorum more sequuntur antecedentium gregem, pergentes non quâ eundum, sed quâ itur. Sic communis tunc omnibus evasit tabaci usus, variis tamen varius. Alii enim & plurimi per tubulos primò arundineos, deinde verò coctiles, quæ Anglos manet inventi gloria, fumum hauriebant. Alii autem masticare, quidam in pulverem reductum per nares attrahere cœperunt; postremus is est modus qui ad nos usque præsertim invaluit: nec tantumquam viguit favore. Mirum quid; scæminæ ipsæ quæ usum tabaci quondam horrebant aded & execrabantur, ut ritum vocarent castrensem dissolutionem & infamem, indefinenter laudant hodiè & excolunt: sic mores sunt quæ priùs fuerant vitia: tanta est hominum dementia, ut boni apud eos locum teneat error multorum; adductæ in consuetudinem voluptati indulgent, ignari quodd vim habeat deleteriam quâ fluidæ corporis partes simul ac solidæ inficiuntur, quantisque hæc erit voluptas empta doloribus.

I I.

MELIUS nunquàm cujusslibet mixti noscitur vis & energia, quàm cùm sedulò attenditur & ad ipsius naturam, & ad effectus indè consequentes. Hâc methodo noscitur, ut aiunt, & à priori & à posteriori. Jam verò si arte chemicâ perpendatur natura tabaci, hanc salibus acerrimis, & sulphure multo constare potissimùm palàm est; si ad effectus vertatur animus, omnia caustici phænomena observare est: exterius enim ulceri fordido applicetur tabaci succus, comburens statim & veluti comedens carnes ulceris molliores, dum simul vi quâdam igneâ fibras incendit robustiores, atque revocat ad motum, caustici & claræ quidem satis notæ vicem gerit. Quibus invicè demonstratur vim inesse tabaco acerrimam, causticum æmulantem, quamque tam in fluida quàm in solida deleteriam propugnamus. Et primò quidem toties depravantur humores nostri, quoties integrantes eorum particula propriam illis naturalemque formam præstare nequeunt. Gelatinosæ, v. g. particula si incidantur nimis atque jugiter dissolvantur, fieri jam non potest ut amicam ineant inter se unionem, ex quâ exurgit forma huic humori à naturâ præscripta; tuncque depravatus dicitur humor corporis gelatinosus. Idem de cæteris dicendum humoribus. Si quid autem valet partes humorum integrantes incidere nimis, dissolvere, & à naturali formâ removere, imprimis tanè causticum, si his unquam admisceatur. Ergò jugiter infestari debent

humores nostri deleteriâ vi tabaci, cum caustica ipsius tinctura diu noctu-
que in naribus & in ore ipso extracta, nam frequentius per ora expuit-
tur, fluxu perenni in ventriculum delabatur, omnibus hæc misceatur fluidis;
& exinde vias una petat circulatorias.

2^o. Quæ cum ita sit fluidorum labes, incolumia perstare non possunt ipsamet
solida; prout enim rubigine ferrum, sic ab hac acredine generali fibras om-
nes mordicari, mille in punctis effodi, sensimque dilacerari necessum; eadem
enim interiora occupat pestis, quæ membranam veluti comburit pituitariam,
papillas vorat nerveas, tussesque excitat violentissimas, si fortè per rimulam
glotidis pulveris miasmata unâ cum aëre in pulmonum penetralia irrepserint;
quod quoties accidit, tot inde ulcerum principia: malum quidem in princi-
pio leve, quoniam verò diu sæpè noctuque fovetur causa, immane tandem
crescit & ingens, solâ morte tollendum. Tum accusant temperamentum; ve-
rùm dedit hæc contagio labem, Quot narrat Hofmannus (a) crudeli hoc vene-
no raptos?

(a) Vid. Hof-
man. lib 2. de
medicamentis
officiali. cap.
CXI. p. 320.

Præterea nec ipsi remanent intacti nervi; dum enim in naribus assidue
convelluntur præsentia tabaci ac roduntur radices extremæ olfactorii nervi,
certissime per consensum in spasmus indefinenter cogitur universum systema
nervosum; in quo quidem statu violento robur, & energiam acquirere impo-
tens, tonum amittere necesse est: hinc nervorum debilitas simul & sensibili-
tas innumeris ansam morbis mox datura. Patet ergò quàm deleterium flui-
dis aëre ac solidis corporis partibus tabacum veniat; unde dicendum toxicum.

I I I.

VENENUM dicitur, quicquid per se naturæ nostræ contrarium est: quâ latâ
veneni definitione hæc omnia comprehenduntur quæ vi quâdam deleteriâ,
ut dicit *Boerhaavius*, citius vel ocylus necem inferre valent; sive agent in cor-
pus per formam specificam, quod distinguunt multi, sive per elementarem
complexionem. Venena autem alia sunt acuta & subito necant; alia absumunt
miseris langoribus, & ut aiunt, per accidens, nec insequitur mors nisi clau-
do pede, hæcque vocari solent lenta venena; illa inter numerandum *picule*,
sive tabacum; sævior eò tortor, quò lentius agit. Nec ultimum suâ vi delete-
riâ sibi vindicat locum. Quot morti portas aperit! Jam sequitur tabes, tussis
frequens, pectoris hydrops, phthisis pulmonaris, artuum tremor, & affectuum
spasmodicorum cohors. Hinc vertiginosa juvenus, morbosâ virilis ætas, rara
aut imbecillis senectus.

Ut autem de venenosâ tabaci qualitate nè vel minimus sit dubio locus, inqui-
ramus signa assumptum venenum indicantia: primò adest, inquit *Ardoynus*, (b)
corporis angustia, stomachi passio, vomitus, vel ad ipsum inclinatio præcipue
inconsueta: deinde verò si vis est calida, accedunt vertigines; oculorum ru-
bedo, passio; motus convulsi; & syncope. Jam verò nonne & iisdem sti-
patur symptomatibus tabacum, quoties virgineum adhuc nasum primâ vice
inquinat. Quot sternutationes? Quot inconsuetæ nausæ, imò vomitus enor-
mes? Quæ nova menti caligo inducitur? Rubescunt oculi, & pariuntur adeo,
ut serè tota in his aboleatur functio; vertiginum invadit cohors; stupe-
sunt sensus; generalis imminet lipothimia; presens adest syncope; jamque semia-
nimus corpus jacet. Ergò & signis calidum venenum confirmatur tabacum,

(b) Vid. Ar-
doyn. de vene-
nis, cap. III.

I V.

QUIDAM fatebimur tabaci usum impunè tentarunt; sic & impunè usa
napello puella hæc perfica, quæ tactu, ore, & halitu venenum exha-
lans suos omnes amatos intetinebat. Certissima verò, licet lenta, perna

(a) Vid. Adam. Olearium, lib. 3. cap. 6. p. 197.

(b) Vid. Vigenier. in lib. de ritibus moribusque Turcarum.

(c) Vid. Adam. Olearium, lib. 3. cap. 1. p. 64.

(d) Vid. M. socapnum Auth. sup. lau.

scelestam hanc manet temeritatem. Hanc sanè venenosam vim tabaci jam diu noverat Michael Federowitx Moscoviæ Princeps, (a) qui quemcumque tabaci usum in omni ditionis suæ loco prohibuit, lege anno 1634, in tabacarios omnes promulgatâ quâ fustigatione primò, bifidâ dein alarum nasi sectione debebant affici. Regnante apud Turcas Amuratho IV. (b) per septem & decem annos capitale fuit uti tabaco: eadem circa tempora quibus omnia polluebat loca tabacosa lues, utentes tabaco labiorem simul & nasi abscissione mulctari, vendulos verò unà cum suis mercibus in ignem projici, & absumi iusserat Schah Perfarum Rex: (c) id autem factum, notat historicus, quod milites ac cives tabidos, debiliores, languidos fieri ab usu tabaci observaverant: ipsimet veneficam tabaci qualitatem subsentiunt Americani, siquidem ditos tabaco servos utpotè debiliores atque morbosos temnant, longèque rejiciant; adeò ut vix ullus in Americâ talis servi reperiat emptor, (d) sicut & apud nos porci porrigine cadentis. Ter quaterque beati Persæ, quibus nunc ignotum vi è naribus mucum educere; nec ibi temnunt naturæ dona, nec in ulcera vertunt fordida, quæ eo sine decora efformavit organa, ut suavissimam odorum amœnitatem possint faciliùs degustare; his frui non datur pulveris tabaci voluptate, sed nec datur impia haurire cum melle dulci venena.

V.

AT in tabaco panaceam reclamant omnes: æquis enim hodie pro suo tutori genio in hunc vel illum morbum, non habet ac prædicat tabacum? His si credere fas est ab atris vaporibus incolume præstat cerebrum, simul & à pituitosâ illuvie liberat. Illis lynceos efficit ocellos. Quibusdam præstantiam aurium servat & decus. Cæteris gratâ, hilari, ac sanâ dat frui vitâ. In hoc antidotum nec valent mephites ac nebulae, nec quid unquam mali tentabit athisma; timet cancer lethales suas extendere radices, (e) & incassum prodit lethargus. His verò tot fabulis quis non inficias ibit, si rationem consultam velit & experientiam? Remedium quidem dicemus tabacum; in quibusdam casibus à peritissimo artis magistro præscriptum, aliàs venenum audit & proscribendum; sic quandoque sal Saturni, cantharides, sublimatum corrosivum, licet intus venena, tamen in remedium vocantur assumenda. At tibi solatium avertit tabacum & nares vellicando vitæ fallit tædia. Esto: sed anguis latet in herbâ: quibus titillantur sensus, iisdem stimulis tandem destruuntur; irritatur quædam tabaco voluptas, sed omnia simul in corpore irritantur, fatiscunt, ac delentur; undè jure & meritò concludendum.

Ergò Tabacum lentum est homini venenum.

Proponebat Parisiis JOANNES-BAPTISTA BARJOLLE;
Salmuriensis, Doctor Medicus Monspelienfis, Saluberrimæ Facultatis
Medicinæ Parisiensis Baccalaureus, A. R. S. H. 1751.

A SEXTA AD MERIDIEM.